

ქ. თბილისი

ივნისი

2019 წელი

ერთის მხრივ სსიპ ივანე ჯავახიშვილის სახელობის თბილისის სახელმწიფო უნივერსიტეტი (შემდგომში „შემსყიდველი“) წარმოდგენილი ადმინისტრაციის ხელმძღვანელის ნუნუ ოვსიანიკოვას სახით და მეორეს მხრივ, შპს „დიკა 2010“ წარმოდგენილი დირექტორის მარინა გორგოძის (შემდგომში „მიმწოდებელი“) სახით, სახელმწიფო შესყიდვების კანონის და პრეტენდენტის (შპს „დიკა 2010“) სატენდერო წინადადების საფუძველზე, ელექტრონული ტენდერის აუქციონის გარეშე (სატენდერო განცხადების ნომერი NAT 190008771) ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე, თუ წინამდებარე ხელშეკრულების შემდგომ დებულებებში სხვაგვარად არ არის გათვალისწინებული.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს მომსახურების გაწევას ხელშეკრულების ფარგლებში.
- 1.6. „ტექნიკური დავალება“ – სატენდერო დოკუმენტაციის ტექნიკური დავალება, „ხარჯთაღრიცხვა“ დანართი 1, რომელიც დაერთვება ხელშეკრულებას, როგორც მისი განუყოფელი ნაწილი

2. ხელშეკრულების საგანი

- 2.1. ეკონომიკური საქმიანობიდან მიღებული შემოსავლების დაფინანსების ფარგლებში სსიპ ივანე ჯავახიშვილის სახელობის თბილისის სახელმწიფო უნივერსიტეტის მე-11 (ბიოლოგიის) სასწავლო კორპუსში ლიფტების მოსაწყობად საპროექტო-სახარჯთაღრიცხვო დოკუმენტაციის შედგენის მომსახურების შესყიდვა (CPV 71320000).
- 2.2. ხელშეკრულებით გათვალისწინებული შესყიდვის ობიექტის აღწერა და ძირითადი მახასიათებლები მოცემულია ტექნიკურ დავალებასა და „ხარჯთაღრიცხვაში“ დანართი 1-ში, რომლებიც წარმოადგენს ხელშეკრულების განუყოფელ ნაწილს.

3. ხელშეკრულების ღირებულება

- 3.1. ხელშეკრულების ჯამური ღირებულება შეადგენს: 14612.00 (თოთხმეტი ათას ექვსასთორმეტი ლარი და 00 თეთრი) ლარს.
- 3.2. ხელშეკრულების ჯამური ღირებულება მოიცავს ხელშეკრულებით გათვალისწინებულ მომსახურებასთან დაკავშირებულ მიმწოდებლის ყველა ხარჯს, საქართველოს კანონმდებლობით გათვალისწინებულ გადასახადებს.

4. ხელშეკრულების შესრულების კონტროლი

- 4.1. ხელშეკრულების შესრულების კონტროლს განახორციელებს სსიპ ივანე ჯავახიშვილის სახელობის თბილისის სახელმწიფო უნივერსიტეტის სამშენებლო, სარემონტო სამუშაოებისა და სამშენებლო მასალების ინსპექტირების ჯგუფი და/ან სხვა საამისოდ უფლებამოსილი პირი (თსუ მატერიალური რესურსების მართვის დეპარტამენტის ექსპერტი) ან მოწვეული ექსპერტი, რომელთაც შეუძლიათ ინსპექტირება განახორციელონ ხელშეკრულების მოქმედების ნებისმიერ ეტაპზე, როგორც ინდივიდუალურად, ასევე ერთობლივად. ინსპექტირება გულისხმობს შესაბამისობის დადგენას ხელშეკრულებით გათვალისწინებულ ტექნიკურ პირობებთან, ხელშეკრულების პირობების შესრულებას, მიწოდებისათვის აუცილებელი პირობებისა და ნორმების დაცვას.
- 4.2. „შემსყიდველის“ შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს შესრულებული მომსახურების ხარისხის კონტროლი და თუ აღმოჩნდება წუნი, „მიმწოდებელი“ ვალდებულია 10 (ათი) დღის ვადაში გამოასწოროს აღმოჩენილი წუნი, იმ შემთხვევაში თუ წუნის გამოსწორება შეუძლებელია და შემსყიდველს უკვე გადახდილი აქვს მომსახურების ღირებულება, „მიმწოდებელი“ ვალდებულია დაუბრუნოს „შემსყიდველს“ შესრულებული მომსახურების ღირებულება.

4.3. „შემსყიდველი“ ვალდებულია ოპერატიულად აცნობოს „მიმწოდებელს“ საბოლოო შემოწმების შედეგები დაწუნებული მომსახურების ნაწილის და წუნდების მიზეზის მითითებით.

5. მომსახურების შესრულების ვადა, დოკუმენტაციის მიწოდების ადგილი და პირობები

5.1. მიმწოდებელმა საპროექტო-სახარჯთაღრიცხვო დოკუმენტაცია უნდა წარმოადგინოს შემდეგ მისამართზე:

✓ ქ.თბილისი, ი.ჭავჭავაძის გამზ #1 – თსუ პირველი სასწავლო კორპუსი.

დასრულებული საპროექტო-სახარჯთაღრიცხვო დოკუმენტაცია წარმოდგენილი უნდა იყოს ალბომის სახით ნაბეჭდი ვერსია შესაბამის მასშტაბში 4 ეგზემპლარად. ასევე CD ვერსია PDF, PLA (ARCHICAD) ან DWG (AUTOCAD)- ფაილის სახით 4 ეგზემპლარად. სრული სახარჯთაღრიცხვო დოკუმენტაცია (Excel-ის ფაილი).

5.2. მომსახურების დასრულების და საპროექტო-სახარჯთაღრიცხვო დოკუმენტაციის წარმოდგენის სავალდებულო ვადაა: ხელშეკრულების გაფორმების შემდეგ არაუგვიანეს 60 კალენდარულ დღეში.

6. გაწეული მომსახურების მიღება-ჩაბარების წესი

6.1. მიმწოდებელი ვალდებულია საკუთარი ხარჯებით წარმოადგინოს პროექტის კონსტრუქციული ნაწილის ექსპერტიზის დასკვნა, რომელიც გაცემული უნდა იყოს სსიპ - ლევან სამხარაულის სახელობის სასამართლო ექსპერტიზის ეროვნული ბიუროს ან სხვა შესაბამისი აკრედიტაციის მქონე პირის ან ორგანიზაციის მიერ.

6.2. მომსახურების მიღება-ჩაბარება განხორციელდება ტექნიკური პირობების შესაბამისად გაწეულ მომსახურებაზე მიმწოდებლის მხრიდან საკუთარი ხარჯებით მოწვეული ექსპერტის საექსპერტო დასკვნის, შესაბამისი სამსახურებიდან მიღებული ნებართვების, მიმწოდებლის მიერ წარმოდგენილი სათანადო საგადასახადო დოკუმენტაციისა და მხარეების მიერ ხელმოწერილი მიღება-ჩაბარების აქტის საფუძველზე.

6.3. პუნქტი 6.1.-ით გათვალისწინებული დასკვნის წარმოდგენილობის შემთხვევაში შემსყიდველი უფლებამოსილია მიმწოდებელი დააჯარიმოს ხელშეკრულების ღირებულების 10%-ის ოდენობით.

6.4. საჭიროების შემთხვევაში, პროექტის და ხარჯთაღრიცხვის მომზადებასთან ერთად მიმწოდებელმა უნდა უზრუნველყოს ლიფტების მოწყობისა და პროექტის რეალიზებისათვის აუცილებელი ნებართვების აღება შესაბამისი ორგანიზაციებიდან. პროექტის შეთანხმებას, შესაბამისი სამსახურებიდან ნებართვის მიღებას და ნებართვისათვის საჭირო კვლევებისა თუ დოკუმენტაციასთან დაკავშირებულ ყველა ხარჯის დაფარვას უზრუნველყოფს მიმწოდებელი შემსყიდველის მინდობილობის საფუძველზე.

7. ანგარიშსწორების ფორმა, ვადები და პირობები

7.1. „მიმწოდებელთან“ ანგარიშსწორება მოხდება უნაღდო ანგარიშსწორებით ეროვნულ ვალუტაში.

7.2. ანგარიშსწორება „შემსყიდველს“ და „მიმწოდებელს“ შორის განხორციელდება მომსახურების გაწევის შემდეგ მიღება-ჩაბარების აქტის, შესაბამისი ანგარიშ-ფაქტურისა და ექსპერტიზის/ინსპექტირების დადებითი დასკვნის საფუძველზე, შესაბამის სამსახურებთან პროექტის შეთანხმების და ნებართვის მიღების შემდეგ, დოკუმენტაციის სრულყოფილი სახით წარმოდგენიდან 10 სამუშაო დღის განმავლობაში.

8. გარანტია

8.1. მიმწოდებელი ვალდებულია ხელშეკრულებით გათვალისწინებული მომსახურება განახორციელოს ხარისხიანად და არსებული სტანდარტების შესაბამისად. იგი პასუხს აგებს საპროექტო-სახარჯთაღრიცხვო დოკუმენტაციის სისწორეზე.

9. ხელშეკრულების პირობების შესრულების შეფერხება

9.1. თუ ხელშეკრულების შესრულების პროცესში მხარეები წააწყდებიან ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, მხარეებმა დაუყოვნებლივ (არაუგვიანეს 1 დღის ვადაში) უნდა გაუგზავნონ ერთმანეთს წერილობითი შეტყობინება შეფერხების ფაქტის, მისი გამოწვევი მიზეზის და შესაძლო ხანგრძლივობის შესახებ. შეტყობინების მიმღებმა მხარემ შესაძლო მოკლე ვადაში უნდა აცნობოს მეორე მხარეს აღნიშნულ გარემოებასთან დაკავშირებით მიღებული გადაწყვეტილების შესახებ.

10. მხარეთა პასუხისმგებლობა

10.1. ხელშეკრულებით დადგენილ ვადებში სახელშეკრულებო ვალდებულების შეუსრულებლობის ან არაჯეროვანი შესრულების შემთხვევაში შემსყიდველი უფლებამოსილია დააკისროს მიმწოდებელს პირგასამტეხლო შეუსრულებელი ვალდებულების 0,05 %-ის ოდენობით ყოველი ვადაგადაცილებული დღისათვის.

- 10.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2 (ორი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.
- 10.3. ხელშეკრულების ღირებულების გადახდის ვადის გადაცილების შემთხვევაში მიმწოდებელი უფლებამოსილია დააკისროს შემსყიდველს პირგასამტეხლო გადასახდელი თანხის 0,05 %-ის ოდენობით ყოველი გადაგადაცილებული დღისათვის.
- 10.4. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2 (ორი) პროცენტს, მიმწოდებელი იტოვებს უფლებას შეწყვიტოს ხელშეკრულება და მოსთხოვოს შემსყიდველს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.
- 10.5. საჯარიმო სანქციით დაკისრებული თანხა გადახდელი უნდა იქნას მხარისათვის (მიმწოდებელი) აღნიშნულის თაობაზე გადაწყვეტილების (წერილი პირგასამტეხლოს დაკისრების თაობაზე) გაცნობიდან არაუგვიანეს 1 თვეში.
- 10.6. მხარეებს უფლება აქვთ მოითხოვონ ხელშეკრულების შეუსრულებლობით ან/და არაჯეროვანის შესრულებით მიყენებული ზიანის ანაზღაურება საქართველოს კანონმდებლობით დადგენილი წესით.
- 10.7. პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან.

11. მხარეთა უფლება-მოვალეობები

11.1. „შემსყიდველს“ უფლება აქვს:

- 11.1.1. მოსთხოვოს „მიმწოდებელს“ ხელშეკრულებით გათვალისწინებული პირობების ზუსტი და განუხრელი შესრულება;
- 11.1.2. განახორციელოს კონტროლი და ზედამხედველობა ხელშეკრულებით გათვალისწინებული პირობების შესრულებაზე;
- 11.1.3. მოითხოვოს გამოვლენილი ხარვეზების აღმოფხვრა დამატებითი ანაზღაურების გარეშე. ხარვეზების აღმოუფხვრელობის შემთხვევაში შეუჩეროს „მიმწოდებელს“ დაფინანსება.
- 11.1.4. შეწყვიტოს ხელშეკრულება მომსახურების ხარისხისა და/ან ხელშეკრულების პირობების გაუარესების გამო;
- 11.2. „შემსყიდველი“ ვალდებულია:

11.2.1. უზრუნველყოს შესყიდვის ობიექტის ღირებულების გადახდა მე-7 პუნქტის შესაბამისად.

11.3. „მიმწოდებელი“ უფლებამოსილია:

- 11.3.1. მოსთხოვოს „შემსყიდველს“ შესყიდვის ობიექტის ღირებულების ანაზღაურება ხელშეკრულებით გათვალისწინებულ ვადებში;
- 11.3.2. მოსთხოვოს „შემსყიდველს“ ხელშეკრულებით გათვალისწინებული გათვალისწინებული პირობების ზუსტი და განუხრელი დაცვა;
- 11.4. „მიმწოდებელი“ ვალდებულია:
- 11.4.1. განახორციელოს შესყიდვის ობიექტის მიწოდება ხელშეკრულების მე-5 პუნქტის შესაბამისად;
- 11.4.2. უზრუნველყოს ხელშეკრულებით გათვალისწინებული ვადების დაცვა;
- 11.4.3. განიხილოს „შემსყიდველის“ პრეტენზიები და მიაწოდოს მოტივირებული პასუხი ყველა კითხვაზე, აგრეთვე დაუყოვნებლივ უზრუნველყოს აღმოჩენილი ხარვეზის გამოსწორება.
- 11.4.4. შემსყიდველის მოთხოვნის საფუძველზე მოახდინოს კორექტირება მის მიერ წარმოდგენილ საპროექტო-სახარჯთაღრიცხვო დოკუმენტაციაში.
- 11.4.5. უზრუნველყოს საავტორო ზედამხედველობა პროექტის განხორციელების პროცესში, საპროექტო დოკუმენტაციის მიხედვით კონსულტაციის გაწევა, საჭიროებისამებრ საპროექტო დოკუმენტაციის კორექტირება.
- 11.4.6. უზრუნველყოს წარმოდგენილი საპროექტო დოკუმენტაციის საფუძველზე, ჩასატარებელი სამუშაოების შესრულების პროცესში აღმოჩენილი საპროექტო-სახარჯთაღრიცხვო ხარვეზების (ლიფტის შახტის მოწყობის) გამოსწორება, დამატებითი ანაზღაურების გარეშე.

12. ხელშეკრულებაში ცვლილების შეტანა და ხელშეკრულების შეწყვეტა

- 12.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.
- 12.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 12.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

12.4. ხელშეკრულების ერთ-ერთი მხარის მიერ პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

12.5. თუ შემსყიდველი დარწმუნდება, რომ შეუძლებელია შესასრულებელი სამუშაოების მოცულობის დასრულება ხელშეკრულებით განსაზღვრული ვადების ამოწურვამდე, იგი უფლებამოსილია ცალმხრივად, ვადაზე ადრე შეწყვიტოს ხელშეკრულება და მიმწოდებელი დააჯარიმოს ხელშეკრულების ღირებულების 10%-ის ოდენობით.

13. დაუძლეველი ძალა

13.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

13.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;

13.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

14. დავები და მათი გადაწყვეტის წესი

14.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

15. ხელშეკრულების მოქმედების ვადა

15.1. ხელშეკრულება ძალაში შედის მხარეთა უფლებამოსილი პირების ხელმოწერის დღიდან და მოქმედებს 2019 წლის 1 დეკემბრამდე.

16. დასკვნითი დებულებები

16.1. ხელშეკრულება შედგენილია ქართულ ენაზე და ხელმოწერილია „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის მე-3 მუხლის მე-3 და მე-4 პუნქტების შესაბამისად.

17. მხარეთა რეკვიზიტები

შემსყიდველი
სსიპ ივანე ჯავახიშვილის სახელობის თბილისის
სახელმწიფო უნივერსიტეტი

მისამართი:
ქ.თბილისი; ი. ჭავჭავაძის გამზ. №1
საბანკო რეკვიზიტები:
სახელმწიფო ხაზინა
ეკონომიკური შემოსავლები

საიდენტიფიკაციო კოდი:
204864548

ადმინისტრაციის ხელმძღვანელი



/ნ.ოვსიანიკოვა/

მიმწოდებელი

შპს „დიკა 2010“

მისამართი:
თბილისი, გუთნის ქუჩა 25
საბანკო რეკვიზიტები:
სს „ტერაბანკი“
ა/ა GE83KS0000000360500405
ბანკის კოდი: TEBAGE22
საიდენტიფიკაციო კოდი:
406027981

დირექტორი

/მ.გორგოძე/

ხელშეკრულება № 476/06

ინფორმაცია ინტერესთა კონფლიქტის შესახებ

„სახელმწიფო შესყიდვების შესახებ“ საქართველოს კანონის მე-8 მუხლის შესაბამისად, ხელის მოწერით ვადასტურებ, რომ არ ვიმყოფები ინტერესთა კონფლიქტში შპს-სთან „დიკა 2010“.

თსუ ადმინისტრაციის ხელმძღვანელი



ნ.ოვსიანიკოვა

მომსახურების ხარჯთაღრიცხვა

დანართი #1

№	მომსახურების დასახელება	ღირებულება (ლარი)	
1	2	3	
თსუ მე-11 (ბიოლოგიის) კორპუსი-2ცალი ლიფტი			
1	ლიფტების მზიდი კარკასის ფუნდამენტების დაპროექტება (გეოლოგიური კვლევების შედეგების და შესაბამისი დასკვნის წარმოდგენის გათვალისწინება)	4000	
2	ლიფტების მზიდი კარკასის დაპროექტება	5000	
3	შესასრულებელი სამუშაოს ხარჯთაღრიცხვის მომზადება	5612	
	ჯამი	14612	

LTD
DIKA
2010

Digitally
signed by LTD
DIKA 2010
Date:
2019.05.14
10:55:36
+04'00'